



Republic of Zambia
Ministry of Education

LITILICHA MU LUVALE
MUKANDA WANANGWILO
FWOMU 1 – THEMU 2



Developed by the Curriculum Development Centre

Lusaka

© 2025

© Curriculum Development Centre

Mukanda uno kavawitavishile kuzachisa mujila yekha chakuzeneka lushimbi lwakufuma kuli venyawoko. Lusesa lwakuzachisa mukanda uno kuvanga lufume ku Curriculum Development Centre.

Vausonekele

<i>Charles Zuze:</i>	Specialist -Curriculum Development Curriculum Development Centre – Lusaka, Zambia
<i>Cephas Malichi:</i> -	Teacher – Chavuma Bording Sec School Chavuma
<i>Coster Fumbelo:</i>	H/Teacher – Kabulamema Sec School- Kabompo
<i>Gift Chilunda</i>	Teacher- Chavuma Bording Sec School - Chavuma
<i>Kasanga Kasepa</i>	Teacher – Chitokoloki Sec School - Zambezi
<i>Mable Uvuya</i>	Teacher - Moses Luneta SecSchool - Chavuma
<i>Martin Shimishi</i> -	Teacher – Zambezi Boarding Sec School Zambezi

KULUMBUNUNA

Kwiza chakulinangula chachihya, echi chinalumuna vilongeselo vyakutanga chakalikilamu inemanyina hauhashi wakunangakana vyuma (competence based curriculum) chinanehe kwalumuka mukulinangula vyuma kuhichila mukuvilinga kaha nachilingisa valongi kukwata chinyingi chamumyaka ino mukuzamikisa kupwa nachinyingi chakuzata milimo yakumavoko.

Uno mukanda wavilongeselo vyamwakunangwila vakashikola vali mufwomu 1 vanausoneka mujila yauhashi wakunangakana vyuma vyanangwilo najishimbi jakumona nge kulinangula chinalitoto nakayoyelo kavathu. Mauhashi akunangakana vyuma vanahake mukalikilamu ya 2023 osena analitasana navyuma vyanangwilo vanasoneka mumukanda uno

Mukanda uno unemanyina hakukafwa milongeshi vanakunangula seteko yavalongi vali mufwomu 1 kunangula vilongeselo vyakalikulumu inemanyina hakunangula valongi vyuma vatela kulinga (competence based curriculum) halwola kunahono mikanda vanetavila kuzachisa mumashikola. Echi chili nakusolola kufwila chamuthango wafulumende watala vyamashilo kumona ngana ngwavo milimo yamulongeshi vanayashiwisa. Hakulinga ngocho, milongeshi vatela kuzachisa chinyingi valinacho chakutanga nakuwana vyuma vikwavo navivakafwako mukunangula valongi mumaukalu vanahase kuwana mukunangula vilongeselo evi .

Ngunachifwelela ngwami milongeshi navazachisa mukanda ou mujila yakwoloka.

Kelvin Mambwe (PhD)

Permanent Secretary- Educational Services

MINISTRY OF EDUCATION

KUSAKWILILA

Mukanda uno wavilongeselo vyakutanga Litilicha mu Luvale kuli valongi mu form 1 vaulongesele kuhichila mukuhulyojola vathu vavavulu nakuhomesa vathu hamwe. Vathu vavavulu hamwe kaha namauka avathu akulisezaseza vavahulishile nakuvahana nawa lisesa lyakuhana vishinganyeka vyavo havyuma vyatela kusonekewa mumukanda uno. Hakulinga ngocho, ngunahane kusakwilila chami kuli vathu vosena, namauka akulisezaseza ahanyine chinyingi chavo hamwe kaha nakukafwa chamali chinahashisa kusoneka naukufwatula mukanda uno wavinangwilo. Ava vanapu milongeshi,vakhuluwa vahajizemba, mauka akulihandununa hamwe kaha navambwembwa.

Mukukumisa, ngunasakwilila kulihana chavakakuza vakuchihanda chatala vilongeselo vyakutanga mumashikola cha Directorate of Curriculum Developmen hakuzata nakumona ngana ngwavo mulimo wacosoneka mukanda wakunangula vakashikola unazachiwa mujila yamwenemwene

Charles Ndakala, (Dr.)
Director – Curriculum Development
MINISTRY OF EDUCATION

Vilimo

KUJIMBULA.....	7
MAZU AMALEMU	9
TUTHACHIKIJOLO VANAZACHISA MUMUKANDA UNO	11
CHIHANDE 1: LITILICHA YAKUHANJIKI.....	12
MUTWE WACHIHANDE 1: MILIMO YAMIYACHI YA LITILICHA YAKUHANJIKI.....	12
MUTWE WACHIHANDE 2: KULUMBUNUNA MIYACHI YA LITILICHA YA KUHANJIKI	21
CHIHANDE 2: LITILICHA YUKUSONEKA	24
MUTWE WACHIHANDE 1: MIYACHI YALITILICHA YAKUSONEKA.....	24
MUTWE CHIHANDE 2. MAVUNGU AMIYACHI YA LITILICHA YAKUSONEKA	27
MUTWE WACHIHANDE 3: KULIFWANA NACHIHANDWA CHAMIYACHI YA LITILICHA YAKUSONEKA.....	34
MUTWE WACHIHANDE 4: MILIMO YA LITILICHA YAKUSONEKA	37
CHIHANDE 3: HANJIKISO YAKUJIMINYINA MU LITILICHA (LITERALLY TERMS AND DEVICES) .	40
MUTWE WACHIHANDE 1: MIYACHI YAHANJIKISO YAKUJIMINYINA MU LITILICHA	41
KUJIMBULA:.....	41
CHIHANDE 4: MUJIMBU (VIHANDA VYAMUJIMBU WAKUHANJIKI)	45
MUTWE WACHIHANDE 1: KULUMBUNUNA VAHEMI	45
MUTWE CHIHANDE 2. WALO WAMUJIMBU WAKUHANJIKI (PLOT)	50
KUJIMBULA:.....	50
MUTWE WACHIHANDE 3: CHIHELA.....	53
BIBLIOGRAPHY	62

KUJIMBULA

Mukanda uno wavilongeselo vyakunangula va fwomu 1 vanausoneka mangana ukafweko milongeshi mukunangula valongi vinangwilo vya Luvale. Mukalikilamu vanalumuna. Uno mukanda wavinangwilo vanausoneka managana uzachiwe mukwashiwisa kunangula valongi vatete navaputuka kulinangula vilongeselo vya 2023 kalikilamu shimbu kanda kupwenga kulongesa nakusonejeka mikanda ivene vatela kuzachisa mukutanga nakutangisa. Mukutwalililaho, uno mukada uli nakusolola kufwila nakulihana chafulumende kuhichila kumuthango watala vyamashikola mukuputuka kunangula vyakwalumuka chakutanga kalikilamu ya 2023 nawa inamono ngana ngwayo vyuma vanasoneka mumukanda uno vinatemo mukunangula valongi vyuma navalinangula nakuzata namavoko avo kweseka naseteko yakunangakana chalwola tunahetemo.

Numba tuhu uno mukanda vanaukupwisa nakuzamikisa vyuma vyakunangula valongi, milongeshi vatela kuzachisa chinyingi nauhashi wakutanga chavo nakumona ngana ngwavo vali nakuhakilako vyuma vikwaavo vinahase kuzamikisa kutanga chavalongi chikumanyi haze vanamono ngana ngwavo hali liphwata. Kuhakilako nawa, milongeshi vanahase kwalumuna milimo chipwe vyuma navalinga valongi vili mumukanda uno kweseka nakupwa chashikola nashikola vali nakutangilamo valongi.

Vilongeselo vyosena vili mumukanda uno vanavijinyina mukumona ngana ngwavo valongi vali nakulinangula vyuma navalinga namavoko avo anakuzamikisa nawa kujiminyina muvishinganyeka kaha nawa nakumona ngana nge khala chihela chipwe shikola valiho valongi vanahase kulinangula mujila yamwenemwene. Echi kuvwovuwa khana chinemanyinana hakuhana uswa wakutanga nakunganyala chakalikiilamu yakukupuka kuli khala longi chakuzeneka kutala okwo afuma chipwe omu apwa.

Hilufwelelo lwakumona nge mukanda ou navinangwilo vilimo vavimone kulema kupwa vyuma navikafwa milongeshi kunangula valongi chinyingi, uhashi nalilimi lyaLuvale navilinga vyamwenemwene mukulinangula chakukupuka.

MWAKUZACHISHILA MUKANDA

Mukanda ou unahane vyuma vize navatangisa muthemu 2 mu fwomu 1. Vanaupange mumitwe yavihande kaha mutwe wachihande uli navyuma vyakulihandununa vyakufwana nge kuhanjika na kwivwilila, kutanga chakujimina na kusoneka. Vyuma vili omu mumukanda kavyeshi vilongeseloko oloze vyakuzachisa kusoneka vilongeselo. Hakuwahisa vilongeselo watela kufumisa vihanda vya mutwe

wachihande kuvyuma vyakulisezaseza. Chinjikizo, mutwe wachihande watela kupwa kuhanjika na kwivwilila, mazu, kutanga na kusoneka. Omu nauwahisa mutwe wachihande watela kusakula vyuma vyakunangula namilimo oyo vatela kuzata nauhashi wakunangakana. Shikaho mutwe wachihande naupwa nauhashi wakunangakana vyuma vyavivulu. Ngocho, watela kusakula chuma echi nachimbata lwola lwalunene muchihande chove. Kuhakilako nawa, milimo vanakuhane mumukandavene ou kawatela kuyikumisa muchihande chimweko. Evi vanahase kuvikilikita muvilongeselo vyakulihandununa handununa.

MWAKUNANGWILA

Hakunangula, mutwe wachihande watela kukavangiza jijila jakutangiwiilamo. Echi nachikukafwa kutangisa chinangwilo hichinangwilo vanale.

MAZU AMALEMU

<i>LUVALE</i>	<i>ENGLISH</i>
1. Kunoneka	Outline
2. Ndaka	Idiom
3. Kunawa	Diminish
4. Khumbu	Reservoir
5. Walo	Plot
6. Hemi	Character
7. Mbimbiliya	Bible
8. Tukasalimi	Tonguetwister
9. Mbozo	Deceased person
10. Kuzovoloka	Develop
11. Chihemo Chakupihya nakuwaha	Tragicomedy
12. Chihemo chauholela	Mime
13. Jinovumo	Ideophones
14. Lizukula	Hyperbole
15. Kuhulamisa	Satire
16. Kuzachisa vinjikizo	Symbolism
17. Vinjikizo	Symbols
18. Jinomuteto	Onomatopoeia
19. Mazu akahilu	Alliteration
20. Esekeso	Simile
21. Ufwano	Metaphor
22. Kupangila milimo kuvahemi	Characterisation
23. Hemi	Character
24. Hemi wamundende	Minor character
25. Hemi wamunene	Major character
26. Hemi wakwalumuka	Dynamic character
27. Hemi wakuhona kwalumuka	Static character
28. Mukakhole	Antagonist
29. Phindangano	Conflict
30. Chihela	Setting
31. Chihemo chakutanga	Closet
32. Mujimbu wawihi	Short story
33. Mujimbu wapindakachi	Novella
34. Mujimbu wausuku	Novel
35. Mujimbu wachisemwa chamuthu	Autobiography

36. Mujimbu wamuchano
37. Chaulo
38. Mukunyi Wamwaso
39. Chaliso
40. Mukunyi Wachinyengo
41. Mukunyi Wakuhulamisa
42. Chihemo Chaushona
43. Chihemo Chakusehesa
44. Maputukilo
45. Kuputuka chapindangano
46. Kutohwa chapindangano
47. Kukumisa pindangano
48. Makumishilo

Biography
Essay
Lyric poem
Panegyric poem
Elegy
Satirical poem
Tragedy
Comedy
Exposition
Rising action
Climax
Falling action
Conclusion

TUTHACHIKIJILO VANAZACHISA MUMUKANDA UNO



Thando



Kutanga



Shinganyeka



kukhukulula



Vyakuzata



Mazu amalemu



Vyeseko



Kweulula



milimo yakulinga



Kushimutwila

CHIHANDE 1: LITILICHA YAKUHANJIKI

KWAULA: Kapetulu ou, mwatala hamilimo yamiyachi ya Litilicha yakuhanjika. Kechi ngocho kahako oloze namupwa nawa kulumbununa miyachi ya Litilicha yakuhanjika.

UHASHI WAKUNANGAKANA VYUMA:

Valongi vatela kushinganyeka chakukunama, kushimutwila nakuzachila hamwe.

KASANGUMWISO

1. Iya ahanjikaho lyehi chipwe kwivwa muthu ali nakuhanjika chipwe kuta mukunyi, tushimutwiji, tukasalimi, mijimbu navishimo?
2. Longi umwe atenga mukunyi chipwe kuhanjika kakasalimi chipwe kuta mujimbu.
3. Mukushinganyeka chove, ulemu muka uli hakuhanjika mukunyi, kuta vishimo, tushimutwiji, tukasalimi, mujimbu navishimo?



MAZU AMAHYA

1. Mavungu/livungu
2. Kunoneka
3. Ndaka
4. Kunawa
5. Khumbu
6. Walo
7. Hemi
8. Mbimbiliya
9. Tukasalimi
10. Mbozo
11. kuzovoloka

MUTWE WACHIHANDE 1: MILIMO YAMIYACHI YA LITILICHA YAKUHANJIKI

KUJIMBULA: Muchilongeselo chino, valongi navatanjika milimo yamiyachi ya Litilicha yakuhanjika nakuyilumbununa. Navatanjika nawa mavungu amiyachi ya Litilicha yakuhanjika nakuwalumbununa. Kumakushilo navasambisa milimo yamiyachi ya Litilicha yakuhanjika nakusambisa mulimo yamavungu amiyachi ya Litilicha yakuhanjika.

UHASHI WAKUNANGAKANA CHUMA: Valongi vatela kunoneka milimo yamavungu a Litilicha yakuhanjika.



VYAKULINGA 1: KUTANJIKA MILIMO YAMIYACHI YA LITILICHA YAKUHANJIKA

Mulongeshi:

- Ahulise valongi vavuluke miyachi ya Litilicha yakuhanjika vathachikiza.
- Ahulise valongi vavuluke milimo yamiyachi ya Litilicha yakuhanjika vathachikiza.

Valongi:

- Vavuluke miyachi ya Litilicha yakuhanjika vathachikiza.
- Vavuluke milimo yamiyachi ya Litilicha yakuhanjika vathachikiza.



KWEULULA MULONGESHI:

KUTANJIKA MILIMO YAMIYACHI YA LITILICHA YAKUHANJIKA

MIYACHI YALITILICHA YAKUHANJIKA

- Tukasalimi
- Tushimutwiji
- Myaso
- Vishimo navishimolonga
- Ndaka (idiom)
- Mijimbu vafwelela vathu

MILIMO YAMIYACHI YA LITILICHA YAKUHANJIKA

1. Kuzovoloka mukuzachisa lilimi
2. Kuneha viseke
3. Kuzovoloka mukushinganyeka
4. Kunangula
5. Kulama chisemwa
6. Kwambulula mijimbu
7. Kulama vyuma vyakumyaka
8. Kathachikijilo kavathu

SETEKO YAKUNANGAKANA: Milimo yamiyachi ya Litilicha yakuhanjika kuyitanjika mukutamo.



VYAKULINGA 2: KUTANJIKA MILIMO YAMAVUNGU AMIYACHI YA LITILICHA YAKUHANJIKA

Mulongeshi:

- Alweze valongi vatanjike milimo yamiyachi ya Liliticha yakuhanjika.
- Alweze valongi vatanjike milimo yamavungu amiyachi ya Liliticha yakuhanjika.

Valongi:

- Vatanjike milimo yamiyachi ya Liliticha yakuhanjika.
- Vatanjike milimo yamavungu amiyachi ya Liliticha yakuhanjika.



KWEULULA MULONGESHI:

KUTANJIKA MILIMO YAMAVUNGU AMIYACHI YA LITILICHA YAKUHANJIKI

Tukasalimi:

- Kuneha viseke
- Kuzovolwesa kushinganyeka
- Kuzovoloka mukuzachisa lilimi

Tushimutwiji:

- Kuneha viseke
- Kuzovolwesa kushinganyeka
- Kuneha vathu hamwe

Myaso:

- Myaso ya Kalunga - yeji kunangulanga vathu halufwelelo lwavo na Kalunga kavo.
- Myaso yachisemwa - yeji kunangulanga vathu vyachisemwa.
- Myaso yavanyike - yeji kuholesa vana vavandende mangana vahole.
- Myaso yahamilimo - yeji kuhana ngolo kuli vathu vali nakuzata milimo.
- Myaso yazangi - yeji kwambululanga zangi.
- Myaso yahakufwa- yeji kulembejeka vathu vanafwisa nakusangejeka mbozo.

Vishimo navishimolonga

- Vishimo vyakumika- vyapwa vyakukafwa vathu mangana vahase kulinga milimo yavo nakusuuluka.
- Vishimo vyakuhuhumuna - vyeji kukanda vathu vaze kaveshi kwivwilila mumazu avakwavoko.
- Vishimo vyakukafwa - vyeji kusolola ulemu watwamamo mukulikafwa umwe namukwavo.

- Vishimo vyamisende - vyeji kulweza vathu luyando lwavo nakunyengetela chavo mujila yakuswama.

Jindaka (idioms)

- Kuyemesa lilimi
- Kulweza vishinganyeka vyakujiminyina
- Kuneha miselo

Mijimbu vafwelela vathu

- Mijimbu yakutenga - yeji kulumbununa kutenga chakaye kuli Kalunga.
- Mijimbu yachisemwa - yeji kulweza vathu maputukilo achisemwa chavo.
- Mijimbu yaundume - yeji kwambululanga vathu valingile vyuma vyakukomwesa.

SETEKO YAKUNANGAKANA: Milimo yamavungu amiyachi ya Liliticha yakutanjika mukwoloka.



VYAKULINGA 3: KULUMBUNUNA MILIMO YAMIYACHI YA LITILICHA YAKUHANJIKI

Mulongeshi:

- Alweze valongi vatanjike miyachi ya Liliticha yakuhanjika.
- Alweze valongi valumbunune milimo yamiyachi ya Liliticha yakuhanjika.

Valongi:

- Vatanjike miyachi ya Liliticha yakuhanjika.
- Valumbunune milimo yamiyachi ya Liliticha yakuhanjika.



KWEULULA MULONGESHI:

KULUMBUNUNA MILIMO YAMIYACHI YA LITILICHA YAKUHANJIKI

1. Miyachi ya Liliticha yakuhanjika yakufwana nge tukasalimi tweji kukafwa mwakuzachishila lilimi nakulamuna mukuhanjika.
2. Liliticha yakuhanjika yeji kuneha kulivwisa kuwaha nakuneha vathu hamwe.
3. Liliticha yakuhanjika yeji kuzovolwesa nakukafwa kuwana jijila jakukumishilamo ukalu.
4. Kuzachisa miyachi ya Liliticha yakuhanjika hijila imwe yakunangwilamo chisemwa chavathu kufuma kuchisemunwino chimwe nakuya kuchisemunwino chikwavo.

5. Litilicha yakuhanjika yeji kuinga chisemwa chavathu kuchina kunawa. Myaso navishimo naluno lwola kuvili kuhichila mu Litilicha yakuhanjika.
6. Litilicha yakuhanjika yapwa jila imwe yakulitambasanyinamo mijimbu navyuma vyasolokele kumyaka.
7. Vilika vyakufwana nge mukanda, Likumbi Iya Mize navilika vikwavo vyeji kukafwa kulama chisemwa chavathu havyuma vyakumyaka.
8. Litilicha yakuhanjika yapwa kathachikijilo kavathu. Kusesa mazo, kuchata lumba namakishi tunapu tuthachikijilo twava Luvale.

SETEKO YAKUNANGAKANA: Milimo yamiyachi ya Litilicha yakuhanjika kuyilumbununa mukutamo.



VYAKULINGA 4: KULUMBUNUNA MILIMO YAMIYACHI YA LITILICHA YAKUHANJIKI

Mulongeshi:

- Alweze valongi vatanjike miyachi ya Litilicha yakuhanjika.
- Alweze valongi valumbunune milimo yamiyachi ya Litilicha yakuhanjika.

Valongi:

- Vatanjike miyachi ya Litilicha yakuhanjika.
- Valumbunune milimo yamiyachi ya Litilicha yakuhanjika.



KWEULULA MULONGESHI:

KULUMBUNUNA MILIMO YAMIYACHI YA LITILICHA YAKUHANJIKI

1. **Vishimo navishimolonga:** Eyi himijimbu yayihi vechi kwambululanga vathu kuhichila mukushimutwila. Mijimbu khana kayapwa yaungeji kuli vathuko. Eyi mijimbu yechi kutanda kufuma hachisemunwino chimwe nakuya kuchisemunwino chikwavo kuhichila mukuyambulula mukuhanjika.

Milimo yavishimo navishimolonga

- Vishimo navishimolonga vyeji kuhana chinyingi nakweulula vathu mangana vatwame kanawa muchitungilo.
- Vishimo navishimolonga vyeji kuhana ulemu wachisemwa chavathu.
- Vishimo navishimolonga vyeji kuneha chivwasano mukachi kavathu.
- 2. **Mijimbu vafwelela vathu:** Eyi inapu mijimbu yayihi vechi kwambululanga vathu mujingalila javo kweseka navyuma vyavasolokelelenga, vyakufwana nge mijimbu ya Kalulu, jingonde, vikishikishi navikwavo.

Milimo yamijimbu vafwelela vathu

- Kulumbununa vyuma vyakutenga kuli Kalunga- mijimbu yakutenga chalilu namavu.
 - Ulemu wachisemwa- yeji kusolola ulemu nakulumbununa chisemwa.
3. **Mijimbu yatunyama:** Eyi yapwa mijimbu yayihi yazala too navihande vyatunyama.

Milimo yamijimbu yatunyama

- Yeji kwinyikanga vilinga vyavathu mukatwamino kavo- mijimbu yakufwana nge yambwanda kapeza yeji kwimanyinako vilinga vyavathu twatwama navo muchitungilo.
 - Kuhana chinyingi namangana muli vathu- mumijimbu eyi, mwatwama chinyingi chakujiminyina chinahase kukafwako vathu.
 - Yeji kuneha viseke nakuneha vathu hamwe -yeji kuneha kulivwisa kuwaha nakuwanyisa vathu hamwe.
4. **Tushimutwiji:** Tushimutwiji inapu hanjikiso yakuliswaminyina eyi yechi kwesekanga kuvanguluka hachinyingi chamuthu.

Mulimo yatushimutwiji:

- Kuneha viseke - tweji kuneha kulivwisa kuwaha nakuwanyisa vathu hamwe.
- Kuzovolwesa kushinganyeka - tushimutwishi tweji kulingisa vanyike vashinganyeke mwakukunama mangana vawane jikumbulwilo.
- Kuneha vathu hamwe - tweji kuneha usendo mukachi kavanyike omu navalikungulula hamwe.

5. **Jindaka:** Ndaka unapu mukuku wamazu mwazachisa muthu oloze lumbunwiso yacho kayechi kuyivwishisa kanawako nge muya halizu halizu kuvanga vene uvuluke mukuku wosena.

Milimo yajindaka (idioms)

- Kuyemesa lilimi - jindaka japwa nge mungwa wakuhaka muyifwo mangana iyeme.
- Kulweza vishinganyeka vyakujiminyina - jeji kukafwa kulweza vishinganyeka vyakusweka.
- Kuneha miselo - yeji kuneha kulivwisa kuwaha.

6. **Myaso:** Myaso nakukina muvyendela kweseka nachisemwa chavathu. Myaso yechi kupwangako kweseka namuyachi wachilika vali nawo vathu.

Milimo yamyaso

- Viseke - yeji kuneha kulivwisa kuwaha nakuwanyisa vathu hamwe.

- Kunangula - mummyaso mwa twama mazu awa anahase kunangula muthu havyuma vyavivulu omu mwawivwilila muthu.
 - Kwambulula mijimbu - kuzachisa mwaso, vathu vanahase kwambulula vyuma navatonda kuhichila mumwaso.
 - Kulama chisemwa - myaso yapwa nge khumbu veji kulaminangamo vathu chisemwa chavo.
 - Chivwasano - mazu ali mummyaso eji kulweza vathu havyuma vili nakusoloka muchitungilo. Nge nawivwa vathu vali nakwimba mwaso wa 'walileee walila kambowa chipwe Kafwileko nasavala' thachikiza ngwove kuli kufwa.
- 7. Tukasalimi:** Tukasalimi tunapu lizavu lyamazu lyatwama navulukiso yakulifwana. Twechi kuhana ukalu mukutuvuluka lumbushi. Vatuuvuluka kupwa tukasalimi mwomwo kweseka nakulifwana chamazu ngocho hakutuvuluka, lilimi kwechi kupwa kulikasa.

Mulimo vatukasalimi

- Kukafwa kulamuna mazu mukuhanjika.
- Kune ha viseke hakuhanjika.

SETEKO YAKUNANGAKANA: Milimo yamiyachi ya Litolicha yakuhanjika kuyilumbununa mukutamo.



VYAKULINGA 5: KUSAMBISA MILIMO YAMIYACHI YA LITILICHA YAKUHANJIKA

Mulongeshi:

- Alweze valongi vatanjike milimo yamiyachi ya Litolicha yakuhanjika.
- Alweze valongi vasambise milimo yamiyachi ya Litolicha yakuhanjika.

Valongi:

- Vatanjike milimo yamiyachi ya Litolicha yakuhanjika.
- Vasambise milimo yamiyachi ya Litolicha yakuhanjika.



KWEULULA MULONGESHI:

KUSAMBISA MILIMO YAMIYACHI YA LITILICHA YAKUHANJIKA

1. Kuzovoloka mukuzachisa lilimi - tukasalimi tweji kukafwa mwakuzachishila lilimi nakulamuna mukuhanjika. Chitalilo: Sulu kumufunji, lwaa kumufunji.
2. Kune ha viseke - miyachi ya Litolicha yakuhanjika yeji kune ha viseke muli vathu. Kuta vishimo muzango ufuku, kwimba nakukina, kuta tushimutwiji navikwavo vyeji kune ha kuwahilila muli vathu.
3. Kuzovoloka mukushinganyeka - Litolicha yakuhanjika yeji kulongesa vathu vashinganyeke mwakukunama mangana vawane jikumbulwilo. Chitalilo:

Tushimutwishi tweji kusavisa wongo mangana vanyike vashinganyeke mwakukunama.

4. Kunangula - mu Litilicha yakuhanjika mwatwama mazu awa anahase kunangula muthu havyuma vyavivulu.
5. Kulama chisemwa - Litilicha yakuhanjika yapwa nge khumbu veji kulaminangamo vathu chisemwa chavo. Mikunyi, vishimo, myaso navikwavo tunavilame kufuma kushikulu.
6. Kwambulula mijimbu - nge nawivwa vathu vali nakwimba mwaso wa 'Uno ulo eee vambile ngwavo vanalyongo' thachikiza ngwove kuli chifupawenga.
7. Kathachikijilo kavathu - nge naumona likishi, uthachikize ngwove va Luvale.

SETEKO YAKUNANGAKANA: Milimo yamiyachi ya Litilicha yakuhanjika kuyisambisa mukutamo.



VYAKULINGA 6: KUSAMBISA MILIMO YAMAVUNGU AMIYACHI YA LITILICHA YAKUHANJIKI

Mulongeshi:

- Alweze valongi vatanjike milimo yamavungu amiyachi ya Litilicha yakuhanjika.
- Alweze valongi vasambise milimo yamavungu amiyachi Litilicha yakuhanjika.

Valongi:

- Vatanjike milimo yamavungu amiyachi ya Litilicha yakuhanjika.
- Vasambise milimo yamavungu amiyachi ya Litilicha yakuhanjika.



KWEULULA MULONGESHI:

KUSAMBISA MILIMO YAMAVUNGU AMIYACHI YA LITILICHA YAKUHANJIKI

Mulimo wavishimo navishimolonga

Vishimo navishimolonga vyamisende, vyakuhuhumuna navikwavo vyeji kuhana chinyingi nakweulula vathu mangana vatwame kanawa muchitungilo. Chitalilo: Kutunga hamwe kulivandamina mangana likumbi lyakufwa tukalifunde.

Milimo yamijimbu vafwelela vathu

Kulumbununa vyuma vyakutenga kuli Kalunga - mijimbu yakutenga chalilu namavu. Chitalilo: Mujimbu wachikishikishi.

Milimo yamijimbu yatunyama

Yeji kwinyikanga vilinga vyavathu mukatwamino kavo - chitalilo mujimbu yakufwana nge yambwanda nakapeza yeji kwimanyinako vilinga vyavathu twatwama navo muchitungilo.

Mulimo yatushimutwiji

Kuzovolwesa kushinganyeka - tushimutwishi tweji kusavisa vanyike wongo mangana vashinganyeke mwakukunama vawane jikumbulwilo. Chitalilo: Minyau yakunyina vindele vatanu kaha. Vanyike navashinganyeka nakuwana lumbunwiso.

Milimo yajindaka (idioms)

Kulweza vishinganyeka vyakujimina - yeji kukafwa kulweza vathu vishinganyeka vyakusweka. Chitalilo: Kapolongo mavoko enyi apwa amasuku. Kulumbununa nge apwa mwiji.

Milimo yamyaso

Myaso yakulihandununa yeji kulweza nakweulula muthu havyuma vyakulihandununa vyakufwana nge kufwa, zangi, chisemwa navikwavo. Mazu ali mummyaso eji kulweza vathu havyuma vili nakusoloka muchitungilo. Nge nawivwa vathu vali nakwimba mwaso wa 'kafwa mukwenu hamene nayove nawa' thachikiza ngwove kuli chilika chakuwahilila.

SETEKO YAKUNANGAKANA: Milimo yamavungu amiyachi ya Litalicha yakuhanjika kuyisambisa mukutamo.

VINOMA:

- Kopyuta
- Visaji chakwivwilila
- Chisaji chamivwimbimbi
- Shinga
- Chati



ESEKELO:

1. Valongi vasoneke milimo yamiyachi ya Litalicha yakuhanjika.
2. Valongi valumbunune nakusambisa milimo yamavungu amiyachi ya Litalicha yakuhanjika.



KUKHUKULULA:

Muchilongeselo chino, valongi vanatanjika milimo yamiyachi ya Litolicha yakuhanjika nakuyilumbununa. Vanatanjika nawa mavungu amiyachi ya Litolicha yakuhanjika nakuwalumbununa. Kumakushilo vanasambisa milimo yamiyachi ya Litolicha yakuhanjika, vanasambisa cheka milimo yamavungu amiyachi ya Litolicha yakuhanjika.

MUTWE WACHIHANDE 2: KULUMBUNUNA MIYACHI YA LITILICHA YA KUHANJIKWA

KUJIMBULA: Muchilongeselo chino, valongi navatombola nakulumbununa miyachi ya litilicha yakuhanjika, navazachisa nawa miyachi ya Litolicha yakuhanjika muchiyoyelo chavo.

UHASHI WAKUNANGAKANA CHUMA: Valongi vatela kulumbununa miyachi ya litilicha ya kuhanjika.



VYAKULINGA 1: KUTOMBOLA MIYACHI YA LITILICHA YAKUHANJIKWA

Mulongeshi:

1. Ahule valongi vatongole Miyachi ya Litolicha yakuhanjika.
2. Atalise chati valongi hali Miyachi ya Litolicha mangana valongi vashimutwile nakutombola Miyachi ya Litolicha yakuhanjika.

Valongi:

1. Vatongole Miyachi ya Litolicha yakuhanjika.
2. Vatale hachati mangana vashimutwile nakutombola Miyachi ya Litolicha yakuhanjika.



KWEULULA MULONGESHI:

KUTOMBOLA MIYACHI YA LITILICHA YAKUHANJIKWA

Miyachi ya Litolicha yakuhanjika shina eyi;

- Tukasalimi
- Vishimo na vishimolonga

- Tushimutwiji
- Mikunyi (myaso)
- Mijimbu vafwelela vathu

SETEKO YAKUNANGAKANA: Miyachi ya Liliticha yakuhanjika kuyitombola mukwoloka.



VYAKULINGA 2: KULUMBUNUNA MIYACHI YA LITILICHA YAKUHANJIKI

Mulongeshi:

1. Ahulise valongi vavuluke Miyachi ya Liliticha yakuhanjika.
2. Ahulise valongi valumbunune Miyachi ya Liliticha vanavuluka.

Valongi:

1. Vavuluke Miyachi ya Liliticha yakuhanjika
2. Valumbunune Miyachi ya Liliticha yakuhanjika vanavuluka.



KWEULULA MULONGESHI:

KULUMBUNUNA MIYACHI YA LITILICHA YAKUHANJIKI

1. **Vishimo navishimolonga:** Eyi himijimbu yayihi vechi kwambululanga vathu kuhichila mukushimutwila. Mijimbu khana kayapwa yaungeji kuli vathuko. Eyi mijimbu yechi kutanda kufuma kuchisemunwino chimwe nakuya kuchisemunwino chikwavo kuhichila mukuyambulula mukuhanjika.
2. **Mijimbu vafwelela vathu:** Eyi inapu mijimbu yayihi vechi kwambululanga vathu mujingalila javo kweseka navyuma vyavasolokelelenga, vyakufwana nge mijimbu ya Kalulu, jingonde, vikishikishi navikwavo.
3. **Mijimbu yatunyama:** Eyi yapwa mijimbu yayihi yazala too navihande vyatunyama.
4. **Tushimutwiji:** Tushimutwiji inapu hanjikiso yakuliswaminyina eyi yechi kwesekanga kuvanguluka hachinyingi chamuthu.
5. **Myaso:** Myaso nakukina muvyendela kweseka nachisemwa chavathu. Myaso yechi kupwangako kweseka namuyachi wachilika vali nawo vathu.
6. **Tukasalimi:** Tukasalimi tunapu lizavu lyamazu atwama navulukiso yakulifwana kaha echi kuhana ukalu mukuwavuluka lumbushi. Vawavuluka kupwa tukasalimi mwomwo kweseka nakulifwana chamazu ngocho hakuwavuluka, lilimi kwechi kupwa kulikasa.

SETEKO YAKUNANGAKANA: Miyachi ya Litolicha yakuhanjika kuyilumbununa mukutamo.



VYAKULINGA 3: KUZACHISA MIYACHI YA LITILICHA YAKUHANJIKI MUCHIYOYELO

Mulongeshi:

- Ahulise valongi valumbunune mujila vanahase kuzachishila Miyachi ya Litolicha mukuyoya chavo.

Valongi:

- Valumbunune mujila vanahase kuzachishila Miyachi ya Litolicha yakuhanjika muchiyoyelo chavo.



KWEULULA MULONGESHI:

KUZACHISA MIYACHI YA LITILICHA YAKUHANJIKI MUCHIYOYELO

Litolicha yakuhanjika yeji:

- Kuneha nganyo muchiyoyelo.
- Kunangula vathu kukufuma kukupihya nakwiza kukuwaha.
- Kweulula vathu.
- Kukafwa ha kusopa milonga kuhichila muvishomolonga.

SETEKO YAKUNANGAKANA: Miyachi ya Litolicha yakuhanjika kuyizachisa muchiyoyelo mukwoloka.

VINOMA:

- Chisaji
- Mikanda
- Chati.



ESEKELO:

1. Lumbununa mujila muka navazachishilamo miyachi ya Litolicha muchiyoyelo chove.



KUKHUKULULA:

Muchilongeselo chino, valongi vanatombola nakulumbununa miyachi ya litilicha yakuhanjika. Vanazachisa nawa miyachi ya Litolicha yakuhanjika muchiyoyelo chavo.

CHIHANDE 2: LITILICHA YUKUSONEKA

KWAULA: Kapetulu uno mwanangula hamiyachi ya Litilicha yakusoneka.

UHASHI WAKUNANGA VYUMA:

Valongi navapwa nauhashi wakushinganyeka mwakukunama nakuzachila hamwe.

KASANGUMWISO:

1. Valweze kamujimbu kamwaza vasonekele kuli mukakusoneka umwe. Vatalise nawa mukunyi uli hachati.
2. Vahulise mangana vambulule vyuma vinalifwane hamujimbu namukunyi uli hachati



MAZU AMAHYA:

Kutaka

Kunoneka

MUTWE WACHIHANDE 1: MIYACHI YALITILICHA YAKUSONEKA

KUJIMBULA: Muchihade chino valongi navatombola nakulumbununa miyachi ya Litilicha yakusoneka.

UHASHI WAKUNANGA CHUMA:

Valongi navathachikiza miyachi ya Litilicha yakusoneka.



MAZU AMAHYA:

- Mujimbu wawihi
- Mujimbu wapindakachi
- Mujimbu wausuku
- Mujimbu wachisemwa chamuthu
- Mujimbu wamuchano
- Chaulo
- Mukunyi Wamwaso
- Chaliso
- Myaso
- Mukunyi Wachinyengo
- Mukunyi Wakuhulamisa
- Chihemo Chaushona

- Chihemo Chakusehesa
- Chihemo Chakupihya nakuwaha
- Chihemo chakutanga
- Chihemo chauholela
- Jinovumo
- Lizukula
- Kuhulamisa
- Kuzachisa vinjikizo
- Vinjikizo
- Mujimbu wawihi
- Mujimbu wapindakachi
- Mujimbu wausuku
- Mujimbu wachisemwa chamuthu
- Mujimbu wamuchano
- Chaulo
- Mukunyi Wamwaso
- Chaliso
- Myaso
- Mukunyi Wachinyengo
- Mukunyi Wakuhulamisa
- Chihemo Chaushona
- Chihemo Chakusehesa



VYAKULINGA 1: KUTOMBOLA MIYACHI YALITILICHA YAKUSONEKA

Mulongeshi:

- Ahulise valongi valumbunune Litolicha yakusoneka.
- Ahulise valongi vavuluke miyachi ya Litolicha yakusoneka (mijimbu, mikunyi, vihemo)
- Hana mikanda yakulihandununa ili namiyachi ya Litolicha yakusoneka mangana valongi vayitombole.

Valongi:

- Valumbunune Litolicha yakusoneka.
- Vavuluke miyachi ya Litolicha yakusoneka (mijimbu, mikunyi, vihemo)
- Vatombole miyachi ya Litolicha yakusoneka kufuma mumikanda vanavahane.



KWEULULA MULONGESHI

KUTOMBOLA MIYACHI YALITILICHA YAKUSONEKA

Miyachi ya Liliticha yakusoneka ikhiko eyi vananoneka mwishi.

1. Mijimbu (prose)
2. Mikunyi (poetry)
3. Vihemo (drama)

SETEKO YAKUNANGANA: Miyachi ya Liliticha yakusoneka kuyitombola mukwoloka.



VYAKULINGA 2: KULUMBUNUNA MIYACHI YA LITILICHA YAKUSONEKA

Mulongeshi:

- Ahulise valongi vavuluke miyachi ya Liliticha yakusoneka.
- Hana mikanda yakulihandununa ili namiyachi ya Liliticha yakusoneka mangana valongi vashimutwile nakulumbununa miyachi ya Liliticha yakusoneka.

Valongi:

- Vavuluke miyachi ya Liliticha yakusoneka
- Vashimutwile nakulumbununa miyachi ya Liliticha yakusoneka.



KWEULULA MULONGESHI:

KULUMBUNUNA MIYACHI YA LITILICHA YAKUSONEKA

Kuthachikiza miyachi ya Liliticha yakusoneka chachilemu mwomwo nachikafwa mukakutanga Kuhunanana nakusakwilila vyuma vanasoneka.

1. Mijimbu:

Mijimbu chapwa kusoneka chakusolwesa vishinganyeka vyamuthu. Evi vishinyanyeka khana vinahase kupwa vyamuchano chipwe vyakutaka.

2. Chihemo

Ou muyachi umwe walitilicha yakusoneka wakusolola vihemo. Kuhema vihemo hijila imwe yakwambulwilamo mijimbu hachisaji chamivwimbimbi, hapeho chipwe yakumona kapu nameso.

3. Mukunyi:

Chapwa kusoneka chakuzachisa lilimi mujila yakujiminyina mangana chisolwese vishinyanyeka nakupwa chamuthu.

SETEKO YAKUNANGANA: Miyachi ya Litalicha yakusoneka kuyilumbununa mukwoloka.

VINOMA:

- Mapepa amijimbu
- Mikanda yakulihandununa
- Chati



ESEKELO:

1. Valongi valumbunune miyachi ize itatu ya Litalicha yakusoneka.
2. Vahane vitalilo vya Litalicha yakusoneka hamuyachi himuyachi.



KUKHUKULULA:

Muchihande echi, valongi vanatombola nakulumbununa miyachi ya Litalicha yakusoneka.

**MUTWE CHIHANDE 2. MAVUNGU AMIYACHI YA LITALICHA YAKUSONEKA
KUJIMBULA:**

Muchilongeselo chino, valongi navatombola nakulumbununa mavungu amiyachi ya Litalicha yakusoneka. Keshi ngocho kahako, navahana nawa vitalilo vyamavungu amiyachi ya Litalicha yakusoneka.

UHASHI WAKUNANGAKANA CHUMA: Valongi vatela kuhaka miyachi ya Litalicha yakusoneka mumavungu acho.



VYAKULINGA 1: KUTOMBOLA MAVUNGU AMIYACHI YA LITALICHA

YAKUSONEKA

Mulongeshi:

- Ahulise valongi vavuluke miyachi itatu ya Litalicha Yakusoneka.
- Alweze valongi vashimutwile nakutombola mavungu ali mumiyachi ya Litalicha yakusoneka.

Valongi:

- Vavuluke miyachi itatu ya Litalicha Yakusoneka.
- Vashimutwile nakutombola mavungu ali mumiyachi ya Litalicha yakusoneka.



KWEULULA MULONGESHI:

MAVUNGU AMIYACHI YA LITILICHA YAKUSONEKA

MIYACHI YA LITILICHA YAKUSONEKA	MAVUNGU AMIYACHI YA LITILICHA YAKUSONEKA
MIJIMBU	• Mujimbu wawihi (Short story) • Mujimbu wapindakachi (Novella) • Mujimbu wausuku (Novel) • Mujimbu wachisemwa chamuthu (Autobiography) • Mujimbu wamuchano (Biography) • Chaulo (Essay)
MIKUNYI	• Mukunyi Wamwaso (Lyric) • Chaliso (Panagyrical) • Myaso (Song) • Mukunyi Wachinyengo (Elegy) • Mukunyi Wakuhuhumuna (Satire)
VIHEMO	• Chihemo Chaushona (tragedy) • Chihemo Chakusehesa (Comedy) • Chihemo Chakupihya nakuwaha (Tragicomedy) • Chihemo chakutanga (closet) • Chihemo chauholela (Mime)

SETEKO YAKUNANGAKANA: Mavungu amiyachi ya Litilicha yakusoneka kuwatombola mukwoloka.



VYAKULINGA 2: KULUMBUNUNA MAVUNGU AMIYACHI YA LITILICHA

YAKUSONEKA

Mulongeshi:

- Ahulise valongi vatombole mavungu ali mumiyaichi ya Litilicha Yakusoneka vanalinangula.
- Alweze valongi vashimutwile nakulumbununa mavungu ali mumiyaichi ya Litilicha Yakusoneka.

Valongi:

- Vatombole mavungu ali mumiyachi ya Liliticha Yakusoneka vanalinangula.
- Vashimutwile nakulumbununa mavungu ali mumiyachi ya Liliticha Yakusoneka.



KWEULULA MULONGESHI:

KULUMBUNUNA MAVUNGU AMIYACHI YA LITILICHA YAKUSONEKA

1. MIJIMBU YAMUCHANO NAYEYI YAKUTAKA (PROSE- FICTION AND NON-FICTION)
 - (a) **Mujimbu wawihi (Short story)** - wapwa mujimbu wakutaka ou vanahase kutanga nakuukumisa mulwola lwalundende. Unahase kupwa najisali 25 nakutwala ku 30. Hakupwa mujimbu khana wahihi, watwama nawalo (plot) umwe kaha nawa wawashi. Mumujimbu ou, vahemi mwazachisa mukakusoneka vapwa vavandende.
 - (b) **Mujimbu wapindakachi (Novellet)**- wapwa mujimbu wakutaka ou unasuhuko chindende kufuma kumujimbu wawihi. Unahase kupwa najisali kufuma ku 60 nakutwala ku 120. Watwama nawalo (plot) tunyama mwazachisa mukakusoneka vapwa vavavulu.
 - (c) **Mujimbu wausuku (Novel)** - wapwa mujimbu wakutaka ou watwama najisali kufuma ha 120 nakutwala kwilu. Wapwa wakukunama chikuma kuhambakana mujimbu wapindakachi (novella). Watwama najiwalo (plots) jajivulu, kupwa chavahemi (characters) weji kuchilumbununa mukukunama chikuma. Mujimbu ou weji kumbata lwola lwalusuku numba ukume kuutanga
 - (d) **Mujimbu wachisemwa chamuthu (Autobiography)** - ou wapwa mujimbu wamuchano muthu ivene mwasoneka hachiyoyelo chenyi.
 - (e) **Mujimbu wamuchano (Biography)** – ou wapwa mujimbu wahachiyoyelo chamuthu navasoneka kuli muthu wekha. Mujimbu khana weji kwambululanga vathu vavatonyi chipwe vaze vanafu lyehi.
 - (f) **Chaulo (Essay)** - ou mujimbu weji kusolwesanga vishinganyeka vyamuthu, kuhana unjiho hachuma chipwe kulumbununa vyuma. Kechi ngocho kahako, chaulo nawa cheji kuhana kuhakwila chamuthu hachihande mwasoneka.
2. MIKUNYI (POETRY)
 - (a) **Mukunyi Wamwaso (Lyric poem)**- ou wapwa mukunyi wawihi mangana vathu vevwenga kuwaha chipwe uvakwate kuvishinganyeka vyavo. Ou mukunyi khana yapwa yakusuulwisa vathu kuvilika. Unahase kutala hazangi, kheke, milingu navikwavo. Tweji kuyizachisanga mukuyoya chetu chahakumbi-hakumbi.
 - (b) **Chaliso (Panegyric)**- ou unapu mukunyi wakwalisa muthu wamulemu chikuma muwangana chipwe muchiyulo mwomwo haundume wenyi. Undume unahase kufuma kukuhasa jita chipwe unyanga. Ou muthu khana nahase kupwa

thwamina walifuchi, mwangana chipwe muthu wakuhamuka alingile milimo yayilemu. Mukunyi ou vanahase kuuhanjika chipwe kuwimba nge mwaso.

- (c) **Myaso (Songs)** - yapwa mikunyi mwomwo veji kuyisoneka muvesi. Myaso nawa ili muvihanda vyavivulu. Kuli ya Kalunga, yachisemwa, yamilingu, yavanyike, yavathu namiyachi ikwavo.
- (d) **Mukunyi Wachinyengo (Elegy)** - ou wapwa mukunyi chipwe mwaso wakwimbila hakufwa mangana valembejeke vaze vanafwisa nakwanuka nawa uze mbozo. Myaso khana eyi yatwama muvihanda vivali. Kuli yakwimbila uze mbozo nakumwalisa (dirge). Kakavulu eyi mwaso veji kuyimba shimbu kanda vafunde chivimbi. Kuli ikwavo yakwanuka uze mbozo hanyima yakufunda (ode).
- (e) **Mukunyi wachisemwa (Epic)**- ou wapwa mukunyi wausuku weji kwambululanga mijimbu yakumyaka. Mijimbu khana inahase kupwa yavilinga vyatulunga twavathu, malunga chipwe maphwevo. Mijimbu eyi veji kuyambulula mumukunyi kuli muthu vahana mulimo wakulama vyuma vyasolokele muchisemwa chavathu. Mijimbu eyi yeji kwambululanga nawa chisemunwino chavakhakuluka vamungalila.
- (f) **Mukunyi Wakuhumuna (Satire)** - ou wapwa mukunyi wakuzachisa mazu akasautu, amisende, akutenuka, mangana vahuhumune vathu vali nakulinga vilinga vyavipi.

3. VIHEMO (DRAMA)

- (a) **Chihemo Chaushona (Tragedy)** -echi chapwa chihemo chakukumishila naushona chipwe chinyengo mwomwo vahemi vaze chihemo chinapendamiho, kavahashile ukalu wavo wapwanga nakuwana muze muchihemoko. Vanahono chipwe vanafu chakuhona kuhasa. Vihemo khana vyeji kupwanga navihande vyakufwana nge kuhutwa, luvinda, lamba navikwavo.
- (b) **Chihemo Chakusehesa (Comedy)**- echi chapwa chihemo chakuneha kuwahilila kuli vathu vali nakuchitala. Numba tuhu vahemi vali muchihemo navawana ukali, veji kupulasana nakuhasa ukalu wavo. Chihemo khana cheji kukuma nakuwahilila mwomwo vahemi vaze chihemo chinapendamiho, vanahase ukalu wavo.
- (c) **Chihemo Chakuwaha nakupihya (Tragicomedy)** - echi chapwa chihemo chakafutu kakuwahilila nachinyengo. Vahemi kupwa naukalu wakulinga nahameso pwii, oloze kutwala muze kusongo navahasa ukalu wavo hikuwahilila. chinahase nawa kuputukila nakuwahilila kutwala muze vahemi nge vanahono kuhasa ukalu wavo, hikuvaseza muchinyengo.
- (d) **Chihemo Chakutanga (Closet)** - echi chinapu chihemo chakusoneka mangana vachitange kaha vathu chiwvilele namatwitwi avo. Chihemo chakwivwilila kavachihemako.

(e) Chihemo Chauholela (Mime) - echi chapwa chihemo chakuhona kuzachisa kuhanjika (mazu). Vathu veji kuzachisanga kaha mijimba yavo, kupwa chakumeso avo natambukiso yavo chakuhona kuhanjika.

NB: VALONGI VATELA KULINANGULA HAVIHANDA VILI MUMUYACHI UMWE NUMBA HIKUYA HAMUYACHI UKWAVO

SETEKO YAKUNANGAKANA: Mavungu amiyachi ya litilicha yakusoneka kuwalumbununa mukwoloka.



VYAKULINGA 3: KUHANA VITALILO VYAMAVUNGU AMIYACHI YA LITILICHA YAKUSONEKA

Mulongeshi:

- Ahulise valongi valumbunune mavungu amiyachi ya Litilicha Yakusoneka vali nakulinangula.
- Alweze valongi mangana vashimutwile nakuhana vitalilo vyamavungu ali mumuyachi wa Litilicha Yakusoneka vali nakulinangula.

Valongi:

- Valumbunune mavungu amiyachi ya Litilicha Yakusoneka vali nakulinangula.
- Vashimutwile nakuhana vitalilo vyamavungu ali mumuyachi wa Litilicha Yakusoneka vali nakulinangula.



KWEULULA MULONGESHI:

KUHANA VITALILO VYAMAVUNGU AMIYACHI YA LITILICHA YAKUSONEKA

1. MIJIMBU

- (a) Mujimbu Wawihi (Short story)** – Chitalilo; mukanda wamujimbu wa Musole na Kayombo vasonekele kuli John Chikasa.
- (b) Mujimbu Wapindakachi (Novellet)**- Chitalilo; mukanda wa Hano Hamavu Kaheshi Khekeko, Chiwano ku Phili ya Kayimbwe vasonekele kuli mwatha Ndumba.
- (c) Mijimbu Wausuku (Novel)**- Chitalilo; Mbimbiliya.
- (d) Mujimbu Wachisemwa Chamuthu (Autobiography)** – Chitalilo; mumukanda wamwatha Fumbelo Coster, kunyima yamukanda nalumbununa chiyoyelo chenye numba tuhu chili muwahi.
- (e) Mujimbu Wamuchano (Biography)** – Nge muthu wekha mwambata unjiho wamwatha Fumbelo Coster nakusoneka mujimbu hachiyoyelo chenye navyuma nalingi kaha jino naupwa mujimbu wamuchano.
- (f) Chaulo (Essay)** – vitalilo; mijimbu yamumapepa (Newspapers), jimangazini, mikanda yanangwilo, mikanda yalongi navikwavo.

2. MIKUNYI

- (a) **Mukunyi Wamwaso** (Lyric poem): Myaso ya Sachingongo Kapenda.
- (b) **Chaliso (Panegyric)**: Kulifukula kuli mwangana ivene Musongo wa Ndungu hachilika cha Likumbi Iya Mize.
- (c) **Myaso (Songs)**: Myaso yayivulu chikuma, yamwatha Kapalu Lizambo, Shoni, Likumbi Charles, Uvuya Mike, navangomba vakwavo tunahono kuvuluka.
- (d) **Mukunyi Wachinyengo (Elergy)**

Mamee! Mamee!

Hiyaze mwangutahila ngombo ami kapuwa

Phanda yami inashuka lyehyeee!

Vakwetu ngusehenweeee ngukuwenweeee!

- (e) **Mukunyi wachisemwa (Epic)**

Ivene Musengo, lyuma lyamahuhwa,

Atuvile chindundu chajita

Kumwejilila kuli nakuvuma shindo

Kumbi lyakusavala, mulifuchi munapihi

- (f) **Mukunyi Wakuhulamisa (Satirical poem)**

Enu malunga, enu malunga, enu vatata

Tunamivulumuna ika, mulonga muka tuzate

Mwomwo ika muli naukenya ngana,

Nge vandumba vali nazala

Twechenu tukole tukapwe vathu vambwende

Shili jenu jinasweza

Vamyochesha kaha mushitukeesha

Mangana tusale ukhawetu

3. DRAMA

- (a) **Chihemo Chakusehesa** - Kuhema cha Chifwoyo hazuvo yamilemba ya ZNBC Radio 1 Luvale
- (b) **Chihemo chauholela** - Chihemo cha Mwatha Bin (Mr Bin)
- (c) **Chihemo Chakuwaha nakupihya**- Mujimbu wa Chilombo

- Chilombo mwasoneka esekelo
- Napase kuya kushikola yayinene
- Visemi jenyi kuwahilila namilimo ya Chilombo.
- Chilombo mwaya ku University of Zambia nakulinangula ulongeshi
- Chilombo mwafwila kuze ku University of Zambia
- Visemi ja Chilombo kufwa namusongo wa B.P

(d) Chihemo Chaushona- Mujimbu wa Kapende

- Kapende nasemuka
- Chisemi chenye waphwevo mwafwa
- Ise mwamulela nakumutwala kushikola
- Kapende mwalemana mbandu kumutwe hashikola
- Kapende hichitonji
- Mwafuma shikola
- Kapende mwafwa navishinganyeka

(e) Chihemo chakutanga- Chitalilo chihemo cha Chongololo club ha ZNBC Radio
2.

SETEKO YAKUNANGAKANA: Vitalilo vyamavungu amiyachi ya Litalicha
Yakusoneka kuvihana mukwoloka.

VINOMA:

- Chati
- Mikanda yakulihandununa
- Shinga
- mapepa
- Kopyuta



ESEKELO:

1. Lumbununa mavungu amiyachi ya Litalicha Yakusoneka.
2. Soneka vitalilo vyamavungu amiyachi ya Litalicha Yakusoneka.



KUKHUKULULA:

Muchilongeselo chino, valongi vanatombola nakulumbununa mavungu amiyachi ya Litalicha yakusoneka. Keshi ngocho kahako, vanahane nawa vitalilo vyamavungu amiyachi ya Litalicha yakusoneka.

MUTWE WACHIHANDE 3: KULIFWANA NACHIHANDWA CHAMIYACHI YA LITILICHA YAKUSONEKA

KUJIMBULA: Muchilongeselo chino, valongi navatanjika kulifwana chamiyachi ya Litilicha yakusoneka. Valongi navatanjika chihandwa chamiyachi ya Litilicha yakusoneka. Chikwavo nawa, navasambisa nakulumbununa ulemu wamiyachi ya Litilicha yakusoneka.

UHASHI WAKUNANGAKANA CHUMA: Kuwana kulifwana nachihandwa chamiyachi ya Litilicha yakusoneka.



VYAKULINGA 1: KUTANJIKA KULIFWANA CHAMIYACHI YA LITILICHA YAKUSONEKA

Mulongeshi:

- Alweze valongi vavuluke miyachi itatu ya Litilicha yakusoneka.
- Ahulise valongi valumbunune Miyachi itatu ya Litilicha yakusoneka.
- Alweze valongi vashimutwile nakuhana kulifwana chamiyachi itatu ya Litilicha yakusoneka.

Valongi:

- Vavuluke miyachi itatu ya Litilicha yakusoneka.
- Valumbunune Miyachi itatu ya Litilicha yakusoneka.
- Vashimutwile nakuhana kulifwana chamiyachi itatu ya Litilicha yakusoneka.



KWEULULA MULONGESHI:

KUTANJIKA KULIFWANA CHAMIYACHI YA LITILICHA YAKUSONEKA

1. Kuzachisa vasona:

Vihanda vya Litilicha yakusoneka vyosena vyeji kuzachisa vasona kupwa jila imwe yakutanjishila chinyingi.

2. Kuzachisa vishinganyeka:

Litilicha yakusoneka yemanyina hakuzachisa vishinganyeka, yapwa jila imwe vasoneki veji kuzachisanga kuhana vishinganyeka vyavo.

3. Kwambulula mijimbu:

Miyachi ya Litilicha yakusoneka yayivulu yemanyina hakwaula mijimbu. Mijimbu khana yinahase kupwa yakutaka chipwe yamuchano, eyi nayihasa kuneha lumbunwiso kuli vaze navatanga.

4. Kuzachisa mazu akujimina

Miyachi ya Liliticha yosena yeji kuzachisa mazu akujimina eyi yikwechi lumbunwiso yakuweka.

5. Sonekelo:

Sonekelo ya Liliticha yakuhanjika yapwa mwomumwe. Yatwama namaputukilo, sonekelo ivene nakhukulwishi.

6. Kuzachisa jindaka (literally devices):

Liliticha yakusoneka yeji kuzachisa ma **devices** akufwana nge ufwano (**metaphor**), esekeso (**simile**).

7. Kusangumuna vishinganyeka:

Miyachi ya Liliticha yakusoneka yeji kusangumuna vishinganyeka vyavathu, mukuta nakununga vishinganyeka vyavathu muchiyoyelo.

8. Kulumbununa nakulama chisemwa:

Miyachi ya Liliticha yakusoneka yeji kuyizachisa nakuhunanana, kutungulula nakulama chisemwa chavathu. Miyachi ya Liliticha yakusoneka yapwa yahaya namyaka, kufuma muchisemunwino chimwe nakuya kuvisemunwino vikwavo.



VYAKULINGA 2: KUTANJIKA CHIHANDWA CHAMIYACHI YA LITILICHA YAKUSONEKA

Mulongeshi:

- Ambate mikanda vanasoneka mijimbu, mikunyi, navihemo ahane valongi.
- Alweze valongi vatange ize mikanda.
- Ahulise valongi vahane chihandwa chili hali mukunyi, chihemo namujimbu.

Valongi:

- Vatange mujimbu, mukunyi nachihemo mumikanda vanavahane.
- Vawane chihandwa chili hakachi kamukunyi, chihemo namujimbu, kuhichila musonekelo, lilimi naivkwavo.



KWEULULA MULONGESHI:

CHIHANDWA CHAMIYACHI YA LITILICHA YAKUSONEKA

- Mikunyi veji kuyisoneka muvesi oloze mijimbu veji kuyisoneka muvimbwa.
- Mijimbu hakuyisoneka kuvanga kukavangisa jishimbi jamwaya lilimi oloze. mikunyi kayatondewa kukavangiza jishimbi jamwaya lilimiko.
- Mijimbu veji kuyisonekela kutanga loze mikunyi na vihemo vejim kuvisonekela kuvihema.

SETEKO YAKUNANGAKANA: Kutanjika chihandwa chamiyachi ya Litilicha yakusoneka mukwoloka.



VYAKULINGA 3: KUSAMBISA ULEMU WAMIYACHI YA LITILICHA YAKUSONEKA

Mulongeshi:

- Ahulise valongi vahane ulemu wa Litilicha yakusoneka muchiyoyelo chamuthu.

Valongi:

- Vasambise ulemu wa Litilicha yakusoneka muchiyoyelo chamuthu.



KWEULULA MULONGESHI:

KUSAMBISA ULEMU WAMIYACHI YA LITILICHA YAKUSONEKA

Miyachi ya Litilicha yakusoneka yapwa yayilemu chikuma muchiyoyelo chamuthu namukatwamino.

- Kutambasana chinyingi chakulihandununa nakweulula vathu. Vathu veji kulinangulanga vyuma vyavivulu hakutala vihemo nakutanga mujimbu.
- Jila yakulihungula uli nge muthu nazeye, chipwe kusehesa vathu nge vali nakwivwa uli.
- Kuwanyinaho chiyoyelo. Vathu vamwe vanavahane wana wakusehesa vathu wakufwana mwatha Shimishi Sameneka. Mukwavo nawa mwatha Kakisa. Mukuhema chavo vali nakuwanyinamo mali akuyoya nawo.

SETEKO YAKUNANGAKANA: Litilicha yakusoneka kuyisambisa mukwoloka.

VINOMA:

- Mikanda
- Chisaji chamuvwimbimbi

- Shinga
- Kopyuta



ESEKELO:

1. Soneka nakulumbununa kulifwana nachihandwa chamiyachi ya Litilicha yakusoneka. Zachisa sali imwe nachimbwa.
2. Mujila muka Litilicha yakusoneka yalemena muchiyoyelo nakatwamino ketu? Hana vishinganyeka vyove. Zachisa sali imwe nachimbwa.

MUTWE WACHIHANDE 4: MILIMO YA LITILICHA YAKUSONEKA

KUJIMBULA: Muchilongeselo chino, valongi navatanjika nakulumbununa milimo ya Litilicha yakusoneka. Kufumaho, navasambisa milimo ya Litilicha yakusoneka.

UHASHI WAKUNANGAKANA CHUMA: Valongi vatela kutanjika nakulumbununa milimo ya Litilicha yakusoneka mukwoloka.



VYAKULINGA 1: KUTANJIKA MILIMO YA LITILICHA YAKUSONEKA

Mulongeshi:

- Ahulise valongi vatanjike milimo ya Litilicha

Valongi:

- Vatanjike milimo ya Litilicha yakusoneka.



KWEULULA MULONGESHI:

KUTANJIKA MILIMO YA LITILICHA YAKUSONEKA

- Kuneha viseke
- Kunangula vathu
- Kulama chisemwa
- Kuzovolwesa vishinganyeka vyamuthu
- Kulama vyuma vyakushikulu

SETEKO YAKUNANGAKANA: Milimo ya Litilicha yakusoneka kuyitanjika mukwoloka.



VYAKULINGA 2: KULUMBUNUNA MILIMO YA LITILICHA

YAKUSONEKA

Mulongeshi:

- Alweze valongi valumbunune milimo ya Litilicha yakusoneka

Valongi:

- Valumbunune milimo ya Litilicha yakusoneka



KWEULULA MULONGESHI:

KULUMBUNUNA MILIMO YA LITILICHA YAKUSONEKA

Kuneha viseke:

Litilicha yakusoneka yeji kuneha kulivwisa kuwaha kuli vathu vavavulu kuhichila mu mikunyi, vihemu, nakutanga mijimbu.

Kunangula vathu

Kuhichila mu Litilicha yakusoneka, vathu yeji kulinangula vyuma vyavivulu vyakupandama kuchiyoyelo chavo vyakufwana nge kuthachikiza jingalila nakatwamino kavathu vakulihandununa.

Kulama chisemwa

Litilicha yakusoneka yeji kulama chisemwa kuhichila mukuchitumbika nakulama chisemwa kuhichila mukuchisoneka mangana vathu vatwalilileho nakuchizachisanga.

Kuzovolwesa vishinganyeka vyamuthu

Litilicha yakusoneka yeji kusangumuna vishinganyeka vyavakakutanga nakuvalingisa vashinganyeke mwakukunama.

Kulama vyuma vyakushikulu

Litilicha yakusoneka yeji kulama vyuma vyasolokele nakuvihaka muvasona mangana vihone kunawa.

SETEKO YAKUNANGAKANA: Milimo ya Litilicha yakusoneka kuyilumbununa mukutamo.



VYAKULINGA 3: KUSAMBISA MILIMO YA LITILICHA YAKUSONEKA

Mulongeshi:

- Alweze valongi vambulule milimo ya Litilicha yakusoneka.
- Alweze valongi vashimutwile nakusambisa milimo ya Litilicha yakusoneka.

Valongi:

- Vambulule milimo ya Litilicha yakusoneka.
- Vashimutwile nakusambisa milimo ya Litilicha yakusoneka.



KWEULULA MULONGESHI:

KUSAMBISA MILIMO YA LITILICHA YAKUSONEKA

Kuneha viseke:

Litilicha yakusoneka yeji kuneha kulivwisa kuwaha kuli vathu. Omu nautala vihemo vya Kakisa, numba wasulakananga, kuvanga musehako.

Kunangula vathu:

Kuhichila mu Litilicha yakusoneka, vathu veji kulinangula vyuma vyavivulu. Mumikanda mwatwama kunangula chachivulu chakufwana nge majika-kanwa, milingu, chisemwa chavathu, kulikangula navikwavo.

Kulama chisemwa:

Litilicha yakusoneka yeji kulama chisemwa kuhichila mukuchitumbika nakulama chisemwa kuhichila mukuchisoneka mangana vathu vatwalilileho nakuchizachisanga. Chitalilo: Mumukanda asonekele mwatha Patrick Wele mwatwama vyuma vyachisemwa chava Luvala valaminamo.

Kuzovolwesa vishinganyeka vyamuthu:

Litilicha yakusoneka yeji kusangumuna vishinganyeka vyavakakutanga nakuvalingisa vashinganyeke mwakukunama. Chitalilo: muthu mwatanga mikanda yavivulu mwawana nawa chinyingi chachivulu hakutanga mikanda.

Kulama vyuma vyakushikulu:

Litilicha yakusoneka yeji kulama vyuma vyasolokele nakuvihaka muvasona mangana vihona kunawa. Vanyike valelo lino vanathachikiza vyuma vyavivulu vyasolokele kumyaka mwomwo vanavilamina mumikanda.

SETEKO YAKUNANGAKANA: Milimo ya Litilicha yakusoneka kuyisambisa mukwoloka.

VINOMA:

- Chati
- Mikanda
- Shinga
- Kopyuta
- Chisaji chamivwimbimbi



ESEKELO:

1. Soneka nakulumbununa milimo ya Litilicha yakusoneka.
2. Litilicha yakusoneka yeji kukafwa muchiyoyelo chavathu. Unetavila tahi unakane?



KUKHUKULULA: Muchilongeselo chino, valongi vanatanjika nakulumbununa milimo ya Litilicha yakusoneka. Kufumaho, vanasambisa milimo ya Litilicha yakusoneka.

CHIHANDE 3: HANJIKISO YAKUJIMINYINA MU LITILICHA (LITERALLY TERMS AND DEVICES)

KWAULA:

Mukapetulu uno, valongi navashimutwila miyachi yamazuru nomu azata (literally devices).

UHASHI WAKUNANGA VYUMA:

Kushimutwila nakushinganyeka mwakukunama nakuzachila hamwe.

KASANGUMWISO:

- Ahulise valongi valumbunune hanjikiso ino; **‘Kapolongo apwa ndumba.’**
‘Kasweka kuwaha chenye nge kangelo.’



MAZU AMAHYA:

- Jinomuteto
- Jinovumo
- Mazu akahilu
- Mazu akeheso
- Esekeso
- ufwano

MUTWE WACHIHANDE 1: MIYACHI YAHANJIKISO YAKUJIMINYINA MU LITILICHA KUJIMBULA:

Chilongeselo chino valongi navatombola miyachi yahanjikiso yakujiminyina mu Litolicha. Navalumbununa nawa miyachi yahanjikiso yakujiminyina. Chamakumishilo navavulika miyachi yahanjikiso yakujiminyina mu Litolicha.

UHASHI WAKUNANGA VYUMA:

Valongi navashimutwila miyachi yahanjikiso yakujiminyina mu Litolicha.



VYAKULINGA 1: KUTOMBOLA MIYACHI YAHANJIKISO YAKUJIMINYINA MU LITILICHA

Mulongeshi:

- Ahane mujimbu uli namazu akujimina
- Ahulise valongi vatombole miyachi yahanjikiso yakujiminyina.
- Alamike chati ili na hanjikiso yakujiminyina amiyachi yakulihandununa mangana valongi vatombole nakuyihaka mumiyachi

Valongi:

- Vatange mujimbu vanavahane kuli mulongeshi.
- Vatombole hanjikiso yakujiminyina nakuyihakamumiyachi.



KWEULULA MULONGESHI:

KUTOMBOLA MIYACHI YA HANJIKISO YAKUJIMINYINA

Hanjikiso yakujiminyina (**Literally device**) yapwa sonekelo yechi kuzachisanga vakakusoneka mangana ihane lumbunwiso, inehe muvwimbimbi kuli uze mwatanga mangana euluke.

- Jinomuteto
- Muvwimbimbi
- Esekeso
- Ufwano
- Kulenya
- Hanjikiso yakahilu
- Jinovumo
- Lizukula
- Kuhulamisa
- Kuzachisa vyuma vyahona kuzachisa mangana vihanjike
- Kuzachisa vinjikizo
- Vinjikizo
- Muvwimbimbi

SETEKO YAKUNANGANA: Miyachi yahanjikiso yakujiminyina vayitombole mwakwoloka.



VYAKULINGA 2: KULUMBUNUNA MIYACHI YAHANJIKISO YAKUJIMINYINA MU LITILICHA

Mulongeshi:

- Hulisa valongi vavuluke Miyachi yahanjikiso yakujiminyina mu Litolicha.
- Hulisa valongi valumbunune eyi miyachi yahanjikiso yakujiminyina mu Litolicha.

Valongi:

- Vavuluke miyachi yahanjikiso yakujiminyina mu Litolicha.
- Valumbunune miyachi yahanjikiso yakujiminyina.



KWEULULA MULONGESHI:

KULUMBUNUNA MIYACHI YAHANJIKISO YAKUJIMINYINA MU LITILICHA

- Jinomuteto (**Onomatopoeia**): Mazu akuluka kufuma kumuteto wachuma.

- Hajikiso yakahilu (**Alliteration**): Hanjikiso yakuhilula mazu chipwe vamyangana javasona mumikuku.
- Esekeso (**Simile**): Hanjikiso yakwesekesa chuma chimwe nachikwavo.
- Ufwano (**Metaphor**): Echi chapwa kupezalisa vyuma vyahona kulifwana oloze vyalifwana muvilinga.
- Kulenya (**Irony**): Hanjikiso ili nakulipika nalumbunwiso yachuma.
- Jinavumo (**Ideophones**): Chivumo cheji kwimanyinanga lizu
- Lizukula (**Hyperbole**): Hanjikiso yakwambulula nakuhakilako.
- Kuhulamisa (**Satire**): Kuzachisa mazu akuhulamisa mumujimbu.
- Kuzachisa vyuma vyakuhona kuhanjika vihanjike mumujimbu (**Personification**)
- Kuzachisa vinjikizo (**Symbolism**): Kuzachisa vinjikizo evi vili nakulumbununa vyuma vyekha.
- Muvwimbimbi (**Imagery**): Hanjikiso yakukoka muvwimbimbi wachuma kanda umone lyehi.

SETEKO YAKUNANGANA: Miyachi yahanjikiso kujiminyina mu Litolicha vawalumbunune mwakwoloka.



VYAKULINGA 3: KUHANA VINJIKIZO VYAHANJIKISO YAKUJIMINYINA MU LITILICHA

Mulongeshi:

- Hulisa valongi vatombole nakulumbuna hanjikiso yakujiminyina.

Valongi:

- Vatombole nakulumbununa hanjikiso yakujiminyina.



KWEULULA MULONGESHI:

KUVULUKA VINJIKIZO VYAHANJIKISO YAKUJIMINYINA MU LITILICHA

- Jinomuteto (**Anomatopoeia**): Katheto - Theto-oo., Patapata - pata pata.
- Hajikiso yakahilu (**Alliteration**): Aya ku Lusaka nakusaka masaka- **saka saka**.
- Esekeso (**Simile**): Kahinga kusuhwa **nge** munjunga.
- Ufwano (**Metaphor**): Kaumba apwa **ndumba**.
- Kulenya (**Irony**): Muthu **wakuhokama** oloze mwamba ngwove **natoho**.
- Jinavumo (**Ideophones**): Zwalala, toooo, ngengu...
- Lizukula (**Hyperbole**): Kwapwanga vathu tahinyi mavu.
- Kuhulamisa (**Satire**):

- Kuzachisa vyuma vyakuhona kuhanjika mangana vihanjike mumujimbu. (**Personification**): Mumukanda wa Kwatoku na Mukwenu tunyama vahanjikile.
- Kuzachisa vinjikizo (**Symbolism**): Ulombo uchila kwimanyinako phonde.
- (**Imagery**): Mumujimbu wa Chiwano kuphili ya Kayimbwe, omu vavavuluka vahemi nge vavamonaho lyehi.

SETEKO YAKUNANGANA: Vinjikizo vyamiyachi yahanjikiso yakujiminyina vawashimutwile mwakwoloka.

VINOMA:

- Chati
- Mikanda yamijimbu
- Mapepa vanasoneka mikunyi.



ESEKELO:

1. Tombola nakulumbununa miyachi yahanjikiso yakujiminyina ya Litolicha.
2. Hana vinjikizo hamuyachi himuyachi wahanjikiso yakujiminyina.



KUKHUKULULA:

Kapetulu uno valongi vanatombola miyachi yahanjikiso yakujiminyina mu Litolicha. Vanalumbununa cheka miyachi yahanjikiso yakujiminyina. Chamakumishilo valongi vanahane vinjikizo vyamiyachi yahanjikiso yakujiminyina.

CHIHANDE 4: MUJIMBU (VIHANDA VYAMUJIMBU WAKUHANJIKI)

KWAULA: Kapetulu uno mwatala hakupangila milimo vatela kulinga vahemi mumujimbu wakuhanjika. Navatala nawa hawalo (plot) nachihela kwasolokelele mujimbu.

UHASHI WAKUNANGAKANA VYUMA: Kulumbununa mwakupangila milimo vatela kulinga vahemi mumujimbu wakuhanjika.

KASANGUMWISO:

1. Wevwako lyehi chipwe watangako lyehi mujimbu mangana uwambule muwihi?
2. Vulukenu vahemi vali mumujimbu nambulula mukwavo.



MAZU AMAHYA

- Kupangila milimo kuvahemi
- Hemi
- Hemi wamundende
- Hemi wamunene
- Hemi wakwalumuka
- Hemi wakupona kwalumuka
- Mukakhole
- Phindangano
- Walo
- Chihela

MUTWE WACHIHANDE 1: KULUMBUNUNA VAHEMI

KUJIMBULA: Chihanda chino, valongi navalumbununa mwakupangila milimo kuvahemi. Kaha nawa, navalumbununa miyachi yavahemi. Navatombola miyachi yavahemi nakuyilumbununa mumujimbu navavahana. Valongi, navahunanana milimo yavahemi mumujimbu.

UHASHI WAKUNANGAKANA CHUMA:

Valongi navalumbununa mwakupangila milimo kuvahemi mumujimbu wakuhanjika.



VYAKULINGA 1: KULUMBUNUNA MWAKUPANGILA MILIMO KUVACHEMI

Mulongeshi:

- Alweze valongi vambulule mujimbu mukukunama kuli vakwavo valongi.
- Ahulise valongi vavuluke vahemi vanavuluka mumujimbu.

Valongi:

- Vambulule mujimbu mukukunama kuli vakwavo.
- Vavuluke vahemi vanavuluka mumujimbu kaha mwomwo ika vanavahanyina milimo khana.



KWEULULA MULONGESHI:

KULUMBUNUNA MWAKUPANGILA MILIMO KUVACHEMI

- Kulumbununa mwakupangila milimo kuvahemi yapwa jila imwe mukakuhanjika eji kusolwelangamo lumbunwiso yavahemi, solweso yavo, vilinga vyavo hamwe napwiso yavo. Shikaho yapwa jila imwe yakushimutwila vahemi.
- Nge mujimbu uli hamajika kanwa, watela nawa kuzachisa vahemi vaze vakwechi vilinga vyavo vyamajika kanwa. Echi nachinehesa vakakwivwilila mujimbu kwivwishisa nge mukakuhanjika ali nakuhanjika hamajikakanwa.
- Vikilikita vyavahemi tunahase kuvishimutwila mujijila jivali. Yakavanga tunahase tuhu kuvuluka vilinga chipwe pwiso yavo hatoma. Chinjikizo; vilinga mwasolola hemi mumujimbu vikhiko navilumbununa kupwa chenye. Nge vilinga vyenye vyapwile vyamajikakanwa, kaha navamba ngwavo, **“apwa wamajika kanwa.”**
- Jila yamuchivali shina kuhichila mukuhunana mujimbu. Eyi ikhiko jila vavula kuzachisa.

SETEKO YAKUNANGAKANA:

Kulumbununa mwakupangila milimo kuvahemi mukwoloka.



VYAKULINGA 2: KULUMBUNUNA MIYACHI YAVACHEMI

Mulongeshi:

- Alweze valongi vevwilile kumujimbu uli namiyachi yavahemi kuli valongi mangana vantage.
- Ahulise valongi vatombole vahemi vali mumujimbu vanevwilila.

- Alweze valongi vashimutwile nakulumbununa miyachi yavahehi.
- Ahulise valongi vahane vinjikizo vyavahemi vakulihandununa mumujimbu.

Valongi:

- Vevwilile kumujimbu.
- Vatombole vahemi vali mumujimbu vanevwilila.
- Vashimutwile nakulumbununa miyachi yavahehi mumujimbu.
- Vahane vinjikizo vyavahemi vakulihandununa mumujimbu.



KWEULULA MULONGESHI:

KULUMBUNUNA MIYACHI YAVAHEMI

- Vahemi vanahase kupwa vathu, tunyama chipwe vyuma vize vyeji kuzatanga milimo imwe chipwe kusolola vikilikita mumujimbu.
- Vikilikita chipwe vilinga vyavo vyeji vyeji kusolola lumbunwiso yamujimbu chipwe kweseka naukalu nausoloka.

MIYACHI YAVAHEMI:

i. Hemi wamunene:

- Apwa ikhiye eji kuwanyikanga mumujimbu wosena kufuma kumaputukilo swii nakusongo yachihande.
- Mumukanda wa Kwatoku na mukwenu, **Musaka** napu hemi wamunene.

ii. Hemi wamundende:

- Apwa hemi ukwechi milimo yayindende kuhambakana hemi wamunene.
- Vavahakilako mangana vayemese mujimbu.

iii. Hemi wakwalumuka:

- Vamuvuluka ngwavo hemi wakwalumuka mwomwo yakwalumuka chavilinga chipwe vishinganyeka vyenyi kweseka nalwola.
- Halwola lumwe, hemi nahase kupwa wakwononoka oloze omu namuhita lwola nge neuluka lyehi, eji kwalumuka nakupwa wakasautu.

iv. Hemi wakuhona kwalumuka

- Vamuvuluka ngwavo hemi wakuhona kwalumuka mwomwo vilinga chipwe vikilikita vyenyi kavyalumukako kufuma kumaputukilo amujimbu swii nakusongo.

v. Mukakhole

- Apwa hemi uze eji kulipikanga nahemi wamunene.

SETEKO TAKUNANGAKANA: Miyachi yavahehi kuyilumbununa mukwoloka.



VYAKULINGA 3: KULUMBUNUNA MIYACHI VAHEMI MUMUJIMBU

VAVEVWILILA

Mulongeshi:

- Alweze valongi vevwilile kumujimbu uli namiyachi yavahemi kuli valongi mangana vutange.
- Ahulise valongi vatombola vahemi vali mumujimbu vanevwilila.
- Alweze valongi vashimutwile nakulumbununa miyachi yavahemi mumujimbu vanavahane.

Valongi:

- Vevwilile kumujimbu.
- Vatombola vahemi vali mumujimbu vanevwilila.
- Vashimutwile nakulumbununa miyachi yavahemi mumujimbu vanavahane.



KWEULULA MULONGESHI:

KULUMBUNUNA MIYACHI VAHEMI MUMUJIMBU

Valongi vazachise chinyingi vanalinangula **muvyakulinga 2** mangana vashimutwile nakulumbunana miyachi yavahemi.

SETEKO YAKUNANGAKANA:

Miyachi yavahemi mumujimbu kuyilumbununa mukwoloka.



VYAKULINGA 4: KUTOMBOLA MIYACHI YAVAHEMI MUMUJIMBU

Mulongeshi:

- Alweze valongi vevwilile kumujimbu uli namiyachi yavahemi kuli valongi mangana vutange.
- Ahulise valongi vatombola vahemi vali mumujimbu vanevwilila.

Valongi:

- Vevwilile kumujimbu uli namiyachi yavahemi.
- Vatombola vahemi vali mumujimbu vanevwilila.



KWEULULA MULONGESHI:

KUTOMBOLA MIYACHI YAVAHEMI MUMUJIMBU

1. Hemi wamunene
2. Hemi wamundende
3. Hemi wakwalumuka
4. Hemi wakuhona kwalumuka
5. Mukakhole

SETEKO YAKUNANGAKANA:

Miyachi yavahemi mumujimbu kutombola mukwoloka.



VYAKULINGA 5: KUHUNANANA MILIMO YAVAHEMI MUMUJIMBU

Mulongeshi:

- Alweze valongi vevwilile kumujimbu uli namiyachi yavahemi vakulihandununa.
- Ahulise valongi vahunanane milimo yavahemi vali mumujimbu vanevwilila.

Valongi:

- Vevwilile kumujimbu uli namiyachi yavahemi vakulihandununa.
- Vahunanane milimo yavahemi vali mumujimbu vanevwilila



KWEULULA MULONGESHI:

KUHUNANANA HAMILIMO YAVA HEMI MUMUJIMBU

Valongi vahunanane milimo yavahemi mumujimbu vanavahane.

SETEKO YAKUNANGAKANA: Milimo yavahemi kuyihunanana mukwoloka.

VINOMA:

- ❖ Kopyuta
- ❖ Shinga
- ❖ Chisaji chakwivwilila



ESEKELO:

1. Ivwilila mujimbu mangana ukumbulule vihula vili mwishi:
 - i. Soneka miyachi yavahemi vanavuluka mumujimbu.
 - ii. Hunanana nakusoneka milimo yavahemi mumujimbu unevwilila.



KUKHUKULULA:

Chihanda chino, valongi vanalumbununa mwakupangila milimo kuvahemi. Kaha nawa, vanalumbununa miyachi yavahemi. Valongi nawa vanatombola miyachi yavahemi nakuyilumbununa mumujimbu vanavahane nakuhunanana milimo yavo.

MUTWE CHIHANDE 2. WALO WAMUJIMBU WAKUHANJIKI (PLOT)

KUJIMBULA:

Muchilongeselo chino, valongi navalumbununa vihandi vyawalo (plot) wamujimbu, navatombola vihandi vyawalo mumujimbu navavahana. Kuhakilako, valongi vavahunanana kutanjika chavihandi muwalo wamujimbu.

UHASHI WAKUNANGAKANA CHUMA: Valongi vatela kuhunanana walo wamujimbu wakuhanjika.



VYAKULINGA 1: KULUMBUNUNA VIHANDA VYAWALO WAMUJIMBU

WAKUHANJIKI

Mulongeshi:

- Alweze longi umwe alifwanyise nge khaka natwame kulijiko nakulweza vazukulu jenyi mujimbu evwile chipwe amwene.
- Alweze valongi vatongole tuthachikijilo twawalo wamujimbu vanevwilila kuli mukwavo longi.
- Alweze valongi mangana valumbunune tuthachikijilo tuli hamujimbu vanevwilila kuli mukwavo longi.

Valongi:

- Umwe wavo alifwanyise nge khaka ali nakulweza vazukulu mujimbu kulijiko.
- Vahemo chihemo chakulilweza mujimbu kulijiko.
- Vatongole tuthachikijilo twawalo wamujimbu vanevwilila kuli mukwavo longi.



KWEULULA MULONGESHI:

TUTHACHIKIJILO TWAWALO WAMUJIMBU WAKUHANJIKI

1. Maputukilo (Exposition)

Echi chikhiko kuputuka chamujimbu, omu vahemi navavajimbula kuli mukakuhanjika. Vahemi navajimbula shina vase vavanene. Mukakuhanjika nawa eji kujimbula chihela kwasolokelele uze mujimbu nalwola wasolokele.

2. Kuputuka chaphinda (Rising action)

Echi chikhiko kuputuka chaukalu weji kupwangamo mukachi kavahemi vali muze mumujimbu. Phindangano yeji kutwalilaho mukachi kavo.

3. Kutohwa chaphindangano (Climax)

Aka kathachikijilo kakhiko katwama nakuwaha chikuma mumujimbu mwomwo phindanagano inatoho chikuma. Kakathachikijilo khana keji kwiza kwakamwihi namakumishilo amujimbu. Nge unakwivwilila mujimbu omu nauheta vene aha, numba vali nakukusanyika, yove kawechi kwivwako mwomwo mangana ove osena ali kumujimbu.

4. Kukumisa phindangano (Falling action)

Aha jino hakhiko haseteko vahemi veji kuwananga jijila jakukumishilamo ukalu mukachi kavo. Mujila ikwavo tunahase kwamba ngwetu hakhiko hakuwanyina muhanga waktumba mbuto. Seteko khana eyi, yeji kwizanga hanyima yakuyema chamujimbu.

5. Makumishilo (Conclusion)

Echi khikhiko kukuma chipwe kukhukulula chamujimbu.

SETEKO YAKUNANGAKANA: Tuthachikijilo twawalo wamujimbu wakuhanjika kutushimutwila mukwoloka.



VYAKULINGA 2:

KUTOMBOLA TUTHACHIKIJILO TWAWALO WAMUJIMBU WAKUHANJIKA

Mulongeshi:

- Ahulise valongi vavuluke tuthachikijilo twawalo wamujimbu wakuhanjika.
- Alweze valongi vevwilile kumujimbu.
- Alweze valongi vatombole tuthachikijilo twawalo wamujimbu wakuhanjika vanevwilila.

Valongi:

- Vavuluke tuthachikijilo twawalo wamujimbu wakuhanjika.
- Vevwilile kumujimbu.
- Vatombole tuthachikijilo twawalo wamujimbu wakuhanjika mumujimbu vanevwilila.



KWEULULA MULONGESHI:

KUTOMBOLA VIHANDA VYAWALO WAMUJIMBU WAKUHANJIKI

1. Maputukilo (Exposition)
2. Kuputuka chapindangano (Rising action)
3. Kutohwa chapindangano (Climax)
4. Kukumisa pindangano (Falling action)
5. Makumishilo (Conclusion)

SETEKO YAKUNANGAKANA: Tuthachikijilo twawalo wamujimbu wakuhanjika kututombola mukwoloka.



VYAKULINGA 3: KUHUNANANA KUTANJIKA CHATUTHACHIKIJILO MUWALO WAMUJIMBU WAKUHANJIKI MUMUJIMBU VANAHAHANE

Mulongeshi:

- Ahulise valongi vavuluke tuthachikijilo twawalo wamujimbu wakuhanjika.
- Alweze valongi vevwilile kumujimbu.
- Alweze valongi vahunanane tuthachikijilo twawalo wamujimbu wakuhanjika vanevwilila.

Valongi:

- Vavuluke tuthachikijilo twawalo wamujimbu wakuhanjika.
- Vevwilile kumujimbu.
- Vahunanane tuthachikijilo twawalo wamujimbu wakuhanjika mumujimbu vanevwilila.



KWEULULA MULONGESHI:

KUHUNANANA KUTANJIKA CHAVIHANDA MUWALO WAMUJIMBU WAKUHANJIKI MUMUJIMBU

Valongi vazachise chinyingi chili **havyakulinga 1** mangana vahunanane hamujimbu vanevwilila.

SETEKO YAKUNANGAKANA: Tuthachikijilo twawalo wamujimbu wakuhanjika kutuhunanana nakutesamo muze twalikavangijila.

VINOMA:

- Chisalo
- jikhunyi
- Shinga
- Chisaji chakwivwilila
- Kopyuta



ESEKELO:

1. Ambulula mijimbu wekha nakutanjika tuthachikijilo twatwama muwalo wamujimbu wakuhanjika.
2. Tanga mujimbu wekha nakuuhunanana mangana utanjike tuthachikilo nge muze twalikavangijila.



KUKHUKULULA:

Muchilongeselo chino, valongi vanalumbununa nakutombola tuthachikijilo twawalo wamujimbu wakuhanjika. Kuhakilako, valongi vanahunanana kutanjika chatuthachikijilo muwalo wamijimbu wakuhanjika vanavahane.

MUTWE WACHIHANDE 3: CHIHELA

KUJIMBULA: Muchilongeselo chino, valongi navatombola tuthuchikijilo twachihela, navatombola nakuhunanana kuchihela kuze kwasolokela mujimbu.

UHASHI WAKUNANGAKANA CHUMA: Valongi vatela kuhunanana kuchihela kuze kwasolokelele mujimbu.



VYAKULINGA 1: KUTOMBOLA TUTHACHIKIJOLO TWACHIHELA KUZE KVASOLOKELA MUJIMBU.

Mulongeshi:

- Alweze valongi vevwilile kumujimbu.
- Alweze valongi vatombole tuthachikijilo twachihela chili mumujimbu wakuhanjika vanevwilila (lwola, ngalila, pwiso, usendo na chisemwa).

VALONGI:

- Vevwilile kumujimbu.
- Vatombole tuthachikijilo twachihela chili mumujimbu wakuhanjika vanevwilila.



KWEULULA MULONGESHI: KUTOMBOLA TUTHACHIKIJOLO TWACHIHELA KUZE KVASOLOKELA MUJIMBU

- Kutala **halwola** lwakusoloka mujimbu
- **Kungalila** kuze nakusolokela mujimbu
- **Pwiso** yalwola khana nausoloka mujimbu
- **Chiyoyelo** chatwama kuze nakusolokela mujimbu
- **Chisemwa** chavo kuze kungalila khana

SETEKO YAKUNANGAKANA: Tuthachijikilo twachihela chamujimbu kututombola mukwoloka.



VYAKULINGA 2: KUTOMBOLA CHIHELA MUMUJIMBU VANAHAHANE

Mulongeshi:

- Ahulise valongi vavuluke tuthachijikilo twachihela chamujimbu wakuhanjika.
- Alweze valongi vevwilile kumujimbu.
- Alweze valongi vashimutwile mangana vatombola muchihela chamujimbu.

Valongi:

- Vavuluke tuthachijikilo twachihela chamujimbu wakuhanjika.
- Vevwilile kumujimbu.
- Vashimutwile mangana vatombola chihela chamujimbu.



KWEULULA MULONGESHI: KUTOMBOLA CHIHELA MUMUJIMBU VANAHAHANE

*Lyapwile likumbi lya Sateli **nachimene**, Mwenda ukha ahindukile muze zwalala nakuputuka ungeji wenyi wakuya ku **Kashiji** nakulanda **vayishi**. Atambukile thunda yayisuku hamavu **mukaphundujila** likha. Mujila apwile nakuya mwapwile **mwakulu**, **mitondo yayisuku** kaha sali nasali. Vyakuhanjika shina **peho yapwile nakuhuhwa** natujila kaha vapwile nakuyanika. Mwenda ukha atambukile tambukee swii nomu ahetele kumembo. Omu alingile washa hembo limwe kuwana vathu vavavulu chikuma vanatweme oloze kaveshi nakuhanjikako, **vapwile vakulukulu**. Echi chamushimine Mwenda ukha.*

- Chihela – Kashiji
- Ngalila- Kumembo
- Lwola- Chimene, muchishika chipwe vula
- Chisemwa- Vakakuta
- Pwiso - Kwapwile kufwa
- Hemi ali mumujimbu- Mwenda ukha

SETEKO YAKUNANGAKANA: Chihela vanavahane mumujimbu kuchihunanana mukwoloka



VYAKULINGA 3: KUHUNANANA CHIHELA MUMUJIMBU

Mulongeshi:

- Alweze valongi vevwilile kumujimbu.
- Alweze valongi vashimutwile mangana vavuluke tuthachikijilo twachihela mumujimbu.
- Alweze valongi vahunanane chihela mumujimbu.

Valongi:

- Vevwilile kumujimbu.
- Vashimutwile mangana vavuluke tuthachikijilo twachihela mumujimbu.
- Vahunanane chihela mumujimbu.



KWEULULA MULONGESHI: KUHUNANANA CHIHELA MUMUJIMBU

Valongi vahunanane havyuma vino vili mumujimbu wakuhanjika:

- Lwola na chihela
- Pwiso yachihela
- Chisemwa chavathu
- Kupwa changalila khana
- Mutwe wachihande

SETEKO YAKUNANGAKANA: Chihela mumujimbu kuchihunanana mukutesamo.

VINOMA:

- Chisaji chakwivwilila
- Shinga
- Kopyuta



ESEKELO:

1. Valongi vevwilile kumujimbu mangana kusongo vatongole lwola nachihela vili muze mumujimbu.



KUKHUKULULA:

Muchilongeselo chino, valongi vanatombola tuthuchikijilo twachihela, vanatombola nakuhunanana kuchihela kuze kwasolokela mujimbu.

APPENDIX I: SAMPLE LESSON PLAN

LESSON PLAN

SCHOOL: Likhoma Secondary School

NAME OF TEACHER: ESG

DATE: 10/ 02/ 2025

TIME: 08.00 - 09.20

CLASS: Form 1 A
Minutes

DURATION: 80

SUBJECT: Litolica mu Luvale
LEARNERS: 54

TOTAL NO. OF

TOPIC: 1.5 Litolica yakusoneka

BOYS: 28

GIRLS: 26

SUB-TOPIC: 1.5.3 kulifwana nachihandwa chaLitolica yakusoneka.

SPECIFIC COMPETENCES: 1.5.3.1 compare and contrast forms of written literature

RATIONALE: This lesson is on comparing and contrasting forms of written literature. Learners will be able to recognize similarities and differences among the three forms of written literature and develop the skill of decision making. Class discussion, question and answer, group discussion will be used to execute the lesson. This is the first lesson in the series of three lessons.

REFERENCES:

2024 Literature in Zambian Language Secondary Education Ordinary Level Syllabus-Form 1-4 (page 6), 2025 Literature mu Luvale Form 1- Teaching Module

TEACHING AND LEARNING MATERIALS: Literature books for; poetry, prose and drama, chart, and work cards.

PRE-REQUISITE KNOWLEDGE: Learners already have knowledge on the forms of written literature.

LESSON PROGRESSION:

STAGE/TIME	CONTENT	TEACHER ACTIVITIES	LEARNERS ACTIVITIES	ASSESSMENT CRITERIA
		What should the teacher do?	What should the learners	

			do?	
1 (10 minutes)	Activity 1: Introduction/Revision The previous lesson looked at the forms of literature: prose, poetry and drama.(muchilongeselo chinahichi munyima twalingwile hamavungu alitilicha yakusoneka vyakufwanai nge; mikanda, mijimbu na mikunyi) Prose is narrative of considerable lengths in which characters and actions that represent real life are portrayed in a plot of more or less complexity. (mijimbu yakusoneka mumikanda naniyachi ikwavo) or written composition in verse. (mikunyi vayasoneka mujivesi) Drama is a composition in verse or prose presenting a dialogue. (tuvisela twakusoneka twakufwana nge vathu vali nakulihanjikisa)	a) Ask learners to state the forms of literature and give brief explanations of prose, poetry and drama	b) State the forms of literature c) Give brief explanations of prose, poetry and drama	Listing the three forms of written Literature; prose drama and poetry. (kulumbununa miyachi ya Litalica yakusoneka yakufwana nge; mijimbu yakusoneka ,viseke vyakuhema vya drama na namikunyi)
2 (30 minutes)	Lesson development Activity 2:	Introduces the lesson of the day. - similarities of	Learners to discuss the similarities of	Similarities of forms of written Literature

	Similarities of forms of literature i. Tools of storage for cultural norms (jila yakulaminamo chisemwa) ii. They can stand a taste of time (vyechikutwama lwola lwalusuku mangana kunangula vanyike katwamino kamwaza muchiyoyelo) iii. They contain important themes that have values in society (vyatwama namitwe yavihande yakunangula vyuma vyavilemu muchitungilo)	forms of written literature Discuss with the learners the similarities of forms of literature using a chart	the forms of literature using a chart	discussed as; jila yakulaminamo chisemwea, kutwama lwola lwalusuku kukanyisa vanyike kulinga vyuma vakavetavi;a vakulwaneko... (theme) chikumanyi kunangula vathu ulemu wakatwamiso kamwaza
3 (15 minutes)	Activity 3: Group work (20 minutes) Card 1: what are the other two similarities between prose and poetry Card 2: what are the other two similarities between drama and poetry Card 3: what are the other two differences between prose and drama	Ask learners to be in groups of five (5) and distribute work cards for the groups	Learners to discuss in groups of five what has been given to them by the teacher	Group discussion Similarities of the forms of written Literature discussed in groups

4 (10 minutes)	Activity 4: Presentation on similarities of forms of literature	To guide learners and write the responses on the board	The learners to present what they have discussed through group secretaries	Presentation on the similarities of the forms of written literature presented by group leaders to the whole class
5 (10 minutes)	Activity 5: Individual work Expected Answers A. Both prose and drama contain themes that have to be communicated to society. (mijimbu yosena yeji kunangulanga vathu) B. Both Poetry and drama are written to be performed to the audience (mikunyi namijimbu vayisoneka nge muthu alinakuhanjika) C. Both prose and poetry use a narrator (vyosena vyeji kuzachisangga lizu lyamuthu)	Give a class exercise Class exercise 1. Write two similarities on the following: A. Prose and drama B. Poetry and drama C. Prose and poetry D.	Learners to answer the questions individually	Class exercise on similarities of the three forms of written literature answered correctly as follows...
6 (5 minutes)	Conclusion	To recapitulate on the lesson by asking a learner to state some similarities of the forms of literature	To give some similarities of the forms of literature	Lesson successfully concluded by stating some similarities of the forms of written literature.

EXPECTED STANDARD: Similarities of forms of Literature identified correctly

LESSON EVALUATION AND THE WAY FORWARD:

.....
.....
.....
.....

BIBLIOGRAPHY

1. Chanda VM (2002). **Introduction to the Study of Bantu Languages**. LAL 211 Batch 1. UNZA. Lusaka.
2. Colston, H. L. (2015). *Using figurative language*. Cambridge University Press.
3. Glucksberg, S. (2001). *Understanding figurative language: From metaphor to idioms*. Oxford University Press.
4. Mbuyu, J (2003). **Introduction to the Study of Poetry and Drama** E122 Batch 1. UNZA. Lusaka
5. Ministry of Education (2024). **Literature in Zambian Languages Ordinary level Syllabus**. Curriculum Development Centre. Lusaka.
8. Savan & Grehan (1986). **Readings in Poetry**. Kenneth Kaunda Foundation. Lusaka. Shell Educational Publishing.